



Broj: 01,02-50-16-1094-2,5/20

Sarajevo: 25. 6. 2020.

Na osnovu člana 24. stav (2) Zakona o reviziji institucija Bosne i Hercegovine („Službeni glasnik BiH“, broj 12/06), člana 8. Poslovnika o radu Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora Ureda za reviziju institucija Bosne i Hercegovine i Odluke o raspisivanju Javnog konkursa za izbor generalnog revizora Ureda za reviziju institucija Bosne i Hercegovine, broj: 01,02-50-16-1094-2,4/20 od 25. 6. 2020, Privremena zajednička komisija oba doma Parlamentarne skupštine BiH za provođenje procedure za imenovanje generalnog revizora Ureda za reviziju institucija Bosne i Hercegovine objavljuje

JAVNI KONKURS

ZA PROVOĐENJE PROCEDURE ZA IMENOVANJE GENERALNOG REVIZORA UREDA ZA REVIZIJU INSTITUCIJA BOSNE I HERCEGOVINE

1/01 Generalni revizor

Generalni revizor upravlja Uredom za reviziju institucija Bosne i Hercegovine i odgovoran je za dužnosti i ovlaštenja data Uredu za reviziju institucija Bosne i Hercegovine Zakonom o reviziji institucija Bosne i Hercegovine.

Broj izvršilaca: jedan (1) izvršilac

Generalni revizor dužan je primjenjivati ovlaštenja i obavljati dužnosti Ureda za reviziju institucija Bosne i Hercegovine nezavisno i u skladu s INTOSAI revizijskim standardima.

1. Mandat i imenovanje

Generalni revizor imenuje se na mandat od sedam godina, bez mogućnosti ponovnog imenovanja.

Generalnog revizora imenuje Parlamentarna skupština BiH, na prijedlog Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora Ureda za reviziju institucija Bosne i Hercegovine (u daljnjem tekstu: Privremena zajednička komisija). Prijedlog se zasniva na kandidatskoj rang-listi.

2. Opći i posebni uslovi

Kandidati koji se natječu za mjesto generalnog revizora moraju ispunjavati opće i posebne uslove utvrđene Zakonom o reviziji institucija BiH i drugim pozitivnim propisima, i to:

Opći uslovi su:

- 1) *da je stariji od 18 godina;*
- 2) *da je državljanin Bosne i Hercegovine;*
- 3) *da ima odgovarajuće obrazovne i stručne kvalifikacije utvrđene Zakonom o reviziji institucija BiH;*
- 4) *da je zdravstveno sposoban;*
- 5) *da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjenog mjesta u „Službenom glasniku BiH“;*
- 6) *da se protiv njega ne vodi krivični postupak;*
- 7) *da nije pravosnažno osuđen na zatvorsku kaznu za krivična djela, sa izuzetkom krivičnih djela protiv sigurnosti u saobraćaju, u skladu s krivičnim zakonom;*
- 8) *da se na njega ne odnosi član IX.1. Ustava Bosne i Hercegovine.*

Posebni uslovi

- 1) *da ima diplomu ekonomskog ili pravnog fakulteta ili drugu odgovarajuću visoku stručnu spremu koja programom odgovara traženom iskustvu u oblasti računovodstva, revizije, javnih finansija ili javne administracije najmanje 10 godina;*
- 2) *da nije osuđivan za krivična djela i/ili privredne prijestupe ili djela koja ne odgovaraju njegovim dužnostima;*

Generalni revizor podliježe Zakonu o sukobu interesa u institucijama vlasti BiH.

Potrebni dokumenti

Kandidat je dužan priložiti sljedeće dokumente:

- 1) *uredno popunjen, potpisan i ovjeren prijavni obrazac (prijavni obrazac bit će dostupan na internetskoj stranici Parlamentarne skupštine BiH: www.parlament.ba-Sekretarijat/oglasikonkursi/interno);*
- 2) *biografija (CV);*
- 3) *ovjerenu kopiju tražene fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 6. 4. 1992. u nekoj od država nastalih na području bivše SFRJ);*
- 4) *uvjerenje o državljanstvu Bosne i Hercegovine, ne starije od šest mjeseci;*
- 5) *dokaz o traženom radnom iskustvu u struci (potvrda, uvjerenje), izdat od nadležne institucije, odnosno poslodavca;*
- 6) *dokaz da protiv njega nije pokrenut krivični postupak, izdat od nadležnog suda (ne stariji od tri mjeseca);*
- 7) *ljekarsko uvjerenje, ne starije od 30 dana.*

3. Napomena za sve kandidate

Privremena zajednička komisija će, po potrebi, po službenoj dužnosti zatražiti dokaz da kandidat nije osuđivan za krivična djela i/ili privredne prijestupe ili djela koja ne odgovaraju njegovim dužnostima, odnosno da nije pravosnažno osuđivan na zatvorsku kaznu sa izuzetkom krivičnih djela protiv sigurnosti u saobraćaju, a za što je kandidat u prijavnom obrascu dao izjavu ovjerenu kod nadležnog tijela.

Pod radnim iskustvom podrazumijeva se isključivo radno iskustvo nakon sticanja visoke školske spreme.

Dokaz o ispunjavanju uslova pod tačkom 7) dužan je dostaviti samo kandidat koji bude imenovan na dužnost generalnog revizora, a najkasnije do preuzimanja dužnosti, odnosno stupanja u radni odnos.

Traženi dokumenti moraju biti originali ili ovjerene kopije, a izjave koje su taksativno pobrojane u prijavnom obrascu ovjerene kod nadležnog tijela.

Predati dokumenti ne podliježu vraćanju.

Nijedna prijava ne može se izuzeti iz razmatranja isključivo po osnovu kandidatovog spola, rase, boje kože, jezika, vjere, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugoga statusa.

Nakon provedenog javnog konkursa, kandidati koji budu ispunjavali uslove javnog konkursa bit će pozvani na intervju.

Cilj intervjua je da se utvrdi stručnost i kandidatova osposobljenost za obavljanje traženih zadataka, te krajnja i ukupna ocjena kandidata.

Kandidat je obavezan da otkrije bilo koju činjenicu koja bi mogla dovesti do sukoba interesa u slučaju njegovog imenovanja.

4. Način i rok podnošenja prijave

Javni konkurs objavljuje se u „Službenom glasniku BiH“ i na internetskoj stranici Parlamentarne skupštine BiH: www.parlament.ba, a u dnevnim listovima „Večernji list“, „Glas Srpske“ i „Dnevni avaz“ bit će objavljeno obavještenje o javnom konkursu.

Prijavu na javni konkurs s traženom dokumentacijom treba dostaviti najkasnije 15 dana od dana objavljivanja u „Službenom glasniku BiH“, od kada će se računati i rokovi.

Prijava s dokumentacijom dostavlja se poštom, preporučeno, na adresu:

Ured za reviziju institucija Bosne i Hercegovine
za Privremenu zajedničku komisiju
oba doma Parlamentarne skupštine Bosne i Hercegovine
za provođenje procedure za imenovanje generalnog revizora
Ureda za reviziju institucija Bosne i Hercegovine

„JAVNI KONKURS
ZA PROVOĐENJE PROCEDURE ZA IMENOVANJE GENERALNOG REVIZORA
UREDA ZA REVIZIJU INSTITUCIJA BOSNE I HERCEGOVINE - NE OTVARATI“

71 000 Sarajevo, Hamdije Ćemerlića 2/XIII

Napomena: Nepravovremene prijave neće biti razmatrane, a nepotpune i neuredne prijave bit će odbačene.

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА
ПРЕДСТАВНИЧКИ ДОМ
Привремена заједничка комисија
оба дома Парламентарне скупштине БиХ
за спровођење процедуре за именовање генералног
ревизора Канцеларије за ревизију институција
Босне и Херцеговине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
PREDSTAVNIČKI DOM/ZASTUPNIČKI DOM
Privremena zajednička komisija
oba doma Parlamentarne skupštine BiH
za provođenje procedure za imenovanje generalnog
revizora Ureda za reviziju institucija
Bosne i Hercegovine
Privremeno zajedničko povjerenstvo
obaju domova Parlamentarne skupštine BiH
za provođenje procedure imenovanja glavnog
revizora Ureda za reviziju institucija
Bosne i Hercegovine

PRIJAVNI OBRAZAC ZA KANDIDATE ZA GENERALNOG REVIZORA UREDA ZA REVIZIJU INSTITUCIJA BOSNE I HERCEGOVINE

Molimo Vas da popunite i vlastoručno potpišete prijavni obrazac, te da ga ovjerite kod nadležnog tijela. Neuredno popunjeni, nepotpisani i neovjereni obrasci neće biti razmatrani tokom konkursne procedure, te će zbog toga prijava kandidata biti odbačena. Pišite čitko hemijskom olovkom ili otkucajte na računaru/pisačkoj mašini.

I. LIČNI PODACI

1. Ime i prezime: _____
2. Adresa: _____
3. Broj telefona/mobilnog telefona: _____
4. Broj faxes (ako ga koristite): _____
5. e-mail (ako ga koristite): _____
6. Datum i mjesto rođenja: _____
7. Prezime po rođenju: _____
8. Državljanstvo: _____
9. Spol:
 - 1) muški
 - 2) ženski

10. Član 24. stav (1) u vezi sa stavom (5) Zakona o reviziji institucija BiH („Službeni glasnik BiH“, broj 12/06) glasi: „Generalnog revizora i zamjenike generalnog revizora imenuje Parlamentarna skupština BiH, na prijedlog komisije za izbor iz stava (4) ovog člana. Generalni revizor i zamjenici generalnog revizora imenuju se na mandate od sedam godina bez mogućnosti ponovnog imenovanja, najranije dva mjeseca prije isteka mandata“.

Član 24. stav 6. Zakona o reviziji institucija BiH („Službeni glasnik BiH“, broj 12/06) glasi: "Zamjenici generalnog revizora imenuju se iz druga dva konstitutivna naroda iz kojih nije imenovan generalni revizor.“

Imajući u vidu navedeno, molimo vas da se izjasnite o vašoj nacionalnoj/etničkoj pripadnosti:

_____.

Napomena: Izjašnjavanje o nacionalnoj/etničkoj pripadnosti u ovom prijavnom obrascu je obavezno kako bi Komisija mogla osigurati imenovanje generalnog revizora iz konstitutivnog naroda iz kojeg nisu imenovani zamjenici generalnog revizora.

II. OBRAZOVANJE (navesti univerzitetske diplome i druge obrazovne ili akademske kvalifikacije najmanje VII. stepena stručne spreme):

a. Zvanje navedeno na diplomi: _____

b. Godina sticanja zvanja: _____

c. Naziv visokoškolske ustanove, grad i država: _____

a. Zvanje navedeno na diplomi: _____

b. Godina sticanja zvanja: _____

c. Naziv visokoškolske ustanove, grad i država: _____

a. Zvanje navedeno na diplomi: _____

b. Godina sticanja zvanja: _____

c. Naziv visokoškolske ustanove, grad i država: _____

Napomena: U slučaju potrebe, na računaru ili rukom čitko na dodatnom listu papira dopisati dodatne rubrike.

III. RADNO ISKUSTVO (navesti isključivo radno iskustvo nakon sticanja visoke stručne sprema, počevši od vašeg sadašnjeg ili posljednjeg radnog mjesta, idući unazad, svako radno mjesto na kojem ste radili/bili profesionalno angažirani. Ako trebate više prostora, molimo vas da koristite dodatni list papira):

1. Radno iskustvo: od _____ do _____

2. Naziv poslodavca: _____

3. Naziv radnog mjesta: _____

1. Radno iskustvo: od _____ do _____

2. Naziv poslodavca: _____

3. Naziv radnog mjesta: _____

1. Radno iskustvo: od _____ do _____

2. Naziv poslodavca: _____

3. Naziv radnog mjesta: _____

1. Radno iskustvo: od _____ do _____

2. Naziv poslodavca: _____

3. Naziv radnog mjesta: _____

UKUPNO RADNO ISKUSTVO: _____ GODINA; _____ MJESECI; _____ DANA;

IV. IZJAVE

Pod punom materijalnom i krivičnom odgovornošću, ovim putem izjavljujem:

- da nisam otpušten/a iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjenog mjesta u „Službenom glasniku BiH“;
- da nisam obuhvaćen/a odredbom člana IX. 1. Ustava BiH;
- da nisam osuđivan/a za krivična djela i/ili privredne prijestupe ili djela koja ne odgovaraju dužnosti/ma za koju/e se prijavljujem, odnosno da nisam pravosnažno osuđivan/a na zatvorsku kaznu, sa izuzetkom krivičnih djela protiv sigurnosti u saobraćaju. Saglasan/na sam da Privremena zajednička komisija po službenoj dužnosti zatraži od nadležnog organa dokaz o neosuđivanosti;
- da nisam u sukobu interesa, odnosno da ne obavljam aktivnosti koje dovode do nespojivosti utvrđenih Zakonom o sukobu interesa u institucijama vlasti BiH, a u vezi s članom 23. stav 3. Zakona o reviziji institucija BiH i
- da sam saglasan/na s tim da se moji lični podaci mogu koristiti u konkursnoj proceduri za izbor generalnog revizora Ureda za reviziju institucija Bosne i Hercegovine;
- da su istiniti svi podaci navedeni u ovom prijavnom obrascu.

Napomena: Prijavnim obrascem ne dokazuju se: državljanstvo Bosne i Hercegovine, stečena VSS i traženo radno iskustvo, jer se opći i posebni uslovi traženi tekstem javnog konkursa dokazuju taksativno pobrojanom dokumentacijom koja je u tekstu javnog konkursa naznačena u rubrici „potrebni dokumenti“.

Potpis kandidata:

Datum prijave: _____